



Publicaziuns dalla vischnaunca, jamna 3

Revisiun parziala dalla planisaziun locala Publicaziun dil conclus d'approbaziun

Sin fundament d'art. 49 dalla lescha cantunala davart la planisaziun dil territori (LPT) ha la regenza dil cantun Grischun approbau ils 9 da schaner 2018 (conclus nr. 7) la revisiun parziala dalla planisaziun locala. Quella ei vegnida approbada ella seduta dils 8 da zercladur 2017 entras il cussegl da vischnaunca (plan general d'avertura) ed acceptada ils 24 da settember 2017 dalla cuminonza dils votants:

Intent: Colligiaziun dils territoris da skis

Documents approvai: – Plan da zonas 1:5000
– Plan general d'avertura 1:5000

Liug da publicaziun: Casa communal (stanza 10), Via Cons 2, 7180 Disentis/Mustér, durant las uras da spurtegl (tel. 081 920 36 36)

Dils mieds da planisaziun approvai e dil conclus dalla Regenza nr. 7 dils 9 da schaner 2018 sa vegnir priu envesta tier l'administraziun communal (stanza 10) naven da venderdis, ils 19 da schaner entochen gliendis, ils 19 da fevver 2018. Questa comunicaziun succeda senza la pusseivladad da mieds legals.

Suprastonza communal Disentis/Mustér

Uniun da scursalar e spassegiar Mumpé Medel

Dumengia, ils 28 da schaner 2018 ha la 14avla cuorsa da scarsolas e sliusas da corns liug a Mumpé Medel. Numeras dat ei naven dallas 9.30. La partenza ei fixada sin las 11.30 a Val Runs e la rangaziun suonda allas 14.30. Ei fagess grond plascher da saver beneventar ina roscha participonts alla cuorsa sco era numerus aspectaturs per retscheiver ils curriders. Gl'entir di haveis Vus la caschun da star da buna cumpignia en noss'ustria cun guder ina specialitad dil gril ni in bien toc tuorta.

Annunzia: entochen sonda, ils 27 da schaner 2018 allas 20.00 sut 081 947 40 20 ni jacintajl@bluewin.ch
Ulteriuras informaziuns anfleis Vus sut: www.la-scursalada.jimdo.com

Deponia per curdems organics Vanzadiras da cuschina

Dapi igl 1. da matg 2017 eis ei scumandau da perver animals selvadis. En quei connex fan las autoritads cantunalas attents ch'ei existi da principi negina necessitad da perver las selvaschinas.

Igl avis dallas autoritads cantunalas stat specialmein era en connex cun la piazza da rimnada da curdems organics a Raveras. Sco curdems organics valan caglias e plontas, pastget sco era vanzadiras da cuschina. Per las vanzadiras da cuschina dispona la vischnaunca gia dapi onns dalla pusseivladad da deponer quellas en buots all'entrada dalla serenera. Sper las interpresas gastronomicas san era vischinas e vischins far diever da quella pusseivladad. Vanzadiras da cuschina audan buca sin la piazza da rimnada per caglias e pastget, e quei ni la stad ni gl'unviern! Deplorablamein vegn denton adina puspei deponiu vanzadiras da cuschina sin la piazza da rimnada per caglias e pastget a Raveras. Quei fatg attila cunzun igl unviern animals selvadis e stat en conflict cugl art. 29a dalla lescha cantunala da catscha (LCC) che scamonda da perver animals selvadis. A basa digl art. 29c LCC sa igl uffeci da catscha e pesca pretender ch'ina deponia cun caracter da perver vegni serrada resp. munida cun ina seiv corrispundenta. Per animals selvadis che pon tier curdems da cuschina sa quei haver consequenzas mortalas!

Nus fagein attents vischinas e vischins ch'igl ei **scumandau da deponer sin la piazza da rimnada per caglias e pastget a Raveras igl entir onn vanzadiras da cuschina da tut gener**. Tals rufids san vegnir deponi en las buots destinadas per quei intent all'entrada dalla serenera. Aschinavon che quei scamond vegn buca observaus, sa quei haver per consequenza che la vischnaunca sto ereger ina seiv entuorn la piazza per rimnada da caglias e pastget ni che quella sto vegnir serrada. Bien engraziament per Vossa capientscha e Vies risguard.

Suprastonza communal Disentis/Mustér



Taglia da tgauns 2018

Cunquei che mintga tgaun sto esser marcaus cun in microchip, basegna ei dapi dus onns buca pli la marca da tgauns dalla vischnaunca.

Ils possessurs da tgauns retscheivan directamein in quen cun la taglia da tgauns. Quella munta pigl emprem tgaun a 120 francs e per mintga ulteriur tgaun ella medema casada a 180 francs per onn. Tgauns da polizia, tgauns da lavinas sco era tgauns per tschocs e suords ein deliberai dalla taxa.

Adatg!

Possessurs ch'acquistan da niev in tgaun ein vinavon obligai da vegnir enteifer 30 dis personalmein al spurtegl dall'administraziun communal per cumprovar la registraziun dil microchip. Il conto sin la plattafurma da datas Amicus vegn endrizzaus entras l'administraziun communal. Mintga possessur d'in tgaun ei obligaus da registrar acquists, surdadas, mortoris ed exports egl exteriur d'in tgaun.

Administraziun communal

Controlla da habitonts

Mortoris

Columberg-Gadola Pius Alois, naschius igl 1. da zercladur 1933, morts ils 15 da schaner 2018

Lutz Mathilda, naschida ils 14 da mars 1928, morta ils 16 da schaner 2018

Uniun da dunnas Disentis/Mustér

Radunonza generala, mesjamna, ils 24 da schaner 2018 allas 19.30 el hotel «Alpsu»

Cordialmein envida

la suprastonza

Has ti plascher vid il moviment giuadora?

Cuorsa liunga porscha sper ina biala cuntrada in bien moviment e fa bein a tgierp ed olma. Cun la dretga tecnica va ei aunc pli tgunsch e fa dapli plascher. Il cuors dat envesta en la tecnica da basa. Gabriel Candinas, scolast da cuorsa liunga diplomau, meina atras il cuors. Havein nus svegliu tiu interess? Lu s'annunzia entochen ils 22 da schaner 2018 tier Nadja Hosang, 078 673 83 11 ni nadja.hosang@gmx.ch, www.uddm.ch

Datum: mesjamna, ils 24 da schaner 2018

Temps: Naven dallas 9.00 entochen circa allas 10.30

Liug da sentupada: Center communal a Sedrun

Bewegst du dich gerne in der Natur?

Hast du Lust, mit dem Langlaufen zu beginnen oder möchtest du deine Technik verbessern? Der Langlaufsport hält nicht nur den Körper fit, sondern schult die Koordination und hält den Geist fit. Im Kurs werden dir die Grundlagen der Skating-Technik vermittelt. Kursleiter ist Gabriel Candinas, diplomierter Langlauflehrer. Haben wir dein Interesse geweckt? Dann melde dich bis 22. Januar 2018 bei Nadja Hosang, 078 673 83 11 oder nadja.hosang@gmx.ch, www.uddm.ch

Datum: Mittwoch, 24. Januar 2018

Zeit: 9 bis ca. 10.30 Uhr

Treffpunkt: Center Communal Sedrun

Sentupada cun affons pigns e geniturs

La gruppa da seruschnar/termagliar dat la caschun als affons pigns ed als geniturs da s'entupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegna allas sentupadas meinsilas.



Las sentupadas duessen plinavon era far queidas als affons da visitar pli tard la gruppa da termagliar Artgin che ha liug el medem local e nua ch'ils affons stattan persuls duas uras cun las menadras, e quei inaga ad jamna. Pils affons eis ei sco d'entrar ella tiara dalla cucagna cun massa novs termagls, e tut quei da cumpignia. Vegni e mirei, nus selegrein sin vossa viseta.

Proxima sentupada: **mardis, ils 30 da schaner 2018**

Temps: 14.30–16.00

Liug: Casa da scola Segnas, local Artgin, ella 1. alzada

Prender cun: marena e scalfins

Ulteriuras informaziuns e datums anfleis Vus sut www.uddm.ch

Cordialmein envida

Uniun da dunnas, ressort affons

Invitaziun Seniora-Ca – Sentupada

Gievgia, ils 25 da schaner 2018 dallas 13.45–16.00 en «Stiva Grischuna». Troccas e jass.

Meisa da miezdi organisada da Seniora-Ca e Puntreis

Entschatta: allas 12.15 en Puntreis

Genar cun treis tratgas inclusiv 3 dl aua dalla spina ed in caffè. Annunzia entochen allas 9.00 dil di a Puntreis (tel. 081 929 56 56)

La meisa da miezdi ei aviarta per mintgin/a.

Post d'informaziun Seniora-Ca

Uniun samaritana Mustér

Radunonza generala

La radunonza generala statutarica ha liug **venderdis, ils 26 da schaner 2018** allas 19.30 ell'ustria «La Cucagna» a Mustér. Cordialmein envida

la suprastonza

Cuors da cuschinar afgan

Venderdis, ils 16 da fevrer allas 18.00

Venderdis, ils 2 da mars, allas 18.00

Venderdis, ils 16 da mars allas 13.00

ell'Aua Viva, Disentis/Mustér

Dils requirents d'asil digl Afganistan emprendin nus da cuschinar tratgas e specialitads da lur patria. Ei vegn cuschinau tuttas treis seras ell'Aua Viva. Las empremas duas seras emprendin nus da cuschinar e d'enconsuncher singulas tratgas, las qualas vegnan era gest gustadas dils absolvents dil cuors. Sco finiziun dil cuors da cuschinar envidein nus tuts interessai ad ina tscheina comunabla e da star da buna cumpignia el Center sursilvan d'agricultura. In buffet cun diversas tratgas e specialitads afganas vegn a procurar pil beinstar culinaric. Annunzias ein da far per plascher entochen il venderdis, ils 9-2-2018 sin info@auaviva-cadi.ch ni 079 729 73 72.

Afghanischer Kochkurs

Freitag, 16. Februar, 18 Uhr

Freitag, 2. März, 18 Uhr

Freitag, 16. März, 13 Uhr

im Aua Viva, Disentis/Mustér



Wir lernen von Asylsuchenden aus Afghanistan, Gerichte und Spezialitäten aus ihrer Heimat zuzubereiten. Der Kurs findet an drei Abenden im Aua Viva statt – die ersten beiden Abende lernen wir einzelne Gerichte kennen, anschliessend jeweils ein Abendessen des Gekochten in kleiner Runde. Als Abschluss des Kochkurses laden wir alle Interessierten zum Essen ein. Buffet mit verschiedenen afghanischen Gerichten und gemütliches Beisammensein im Center sursilvan d'agricultura.

Anmeldung bis Freitag, 9.2.2018

unter info@auaviva-cadi.ch oder 079 729 73 72.

Secziun da catschadurs Péz Alpetta

Radunonza generala dalla secziun da catschadurs Péz Alpetta. **Venderdis, ils 26 da schaner** allas 20.15 el hotel «La Furca».

Cordialmein envida la suprastonza.
